

**Naalackersuinikkut sulinermut aningaasatigut tapiissuteqartarneq pillugu Inatsisartut  
inatsisaata allanngortinneqarneranik Inatsisartut inatsisissaattut siunnersuut**  
*Inatsisartut Siulittaasoqarfiannit saqqummiunneqartoq*

**pillugu**

**Suleriaatsimut Ataatsimiititaliap**

**ISUMALIUTISSIISUTAA**

**Siunnersuutip aappassaaneerreqarneranut saqqummiunneqartoq**

Ataatsimiititaliaq sularinninnermini ukuninnga ilaasorta qarpoq:

Inatsisartut Siulittaasuut Josef Motzfeldt IA, siulittaasoq  
Inatsisartunut ilaasorta q Per Berthelsen, Siumut  
Inatsisartunut ilaasorta q Olga P. Berthelsen, IA  
Inatsisartunut ilaasorta q Finn Karlsen, Siumut  
Inatsisartunut ilaasorta q Justus Hansen, Demokraatit  
Inatsisartunut ilaasorta q Siverth K. Heilmann, Atassut  
Inatsisartunut ilaasorta q Loritha Henriksen, Kattusseqatigiit Partiiat

Ataatsimiititaliap UKA2010-mi 13. oktober siullermeerinnittoqareemat siunnersuut misissuataarpaa.

**Siunnersuutip imarisai siunertaalu**

Ataatsimiititaliap paasivaa Siulittaasoqarfiup siunnersuutikkut saqqummiunneqartukkut pissutsit marluk isiginiarneqarnissaat kissaatigisimagaa tamaasalu iluaqtissarsitillugit. Siullertut pineqarpoq naalackersuinikkut suliniaqatigiiffiit namminneq aningaasaatimik aqunnissaannut kiffaanngissuseqarnerulernissaat aappaatullu pineqarluni Inatsisartut Allattoqarfiata ullumikkutut paasisassarsiorluni angalanernut aningaasaliissutit nakkutigineqarneranni aqunneqarneran-nilu oqilisaanneqarnissaa.

Taakku saniatigut naalackersuinikkut suliniaqatigiiffiit Inatsisartullu allattoqarfiata akornanni inatsisinik tunngaveqanngitsumik aningaasatigut ataqatigiinneq suli killilerneqaqqissalluni, taamaalillunilu paasisassarsiorluni angalanerit eqqarsaatigalugit pisortat tapiissutaannut inatsisitigut aalajangersimasumik killiliussaqaqqilissalluni.

Siunnersuutip imarisaa eqqarsaatigalugu siunnersuutigineqarpoq tamanna pissasoq Inatsisartunut Allattoqarfianut aningaasaliissutinik naalackersuinikkut suliniaqatigiiffinnut nuussinikkut.

**Inatsisartut siunnersuummik siullermeerinninnerat**

Amerlanerussuteqartut, Inuit Ataqtigiit Demokratillu, inatsisissatut siunnersuut taamatut isikkoqartillugu ilalerpaat

Ikinnerussuteqartut, Siumut, Atassut aamma Kattusseqatigiit Partiiat, siunnersuut saqqummiunneqartoq ilalersinnaanngilaat. Partiit pineqartut ersersippaat siunnersuutikkut Inatsisartunut ilaasortamut ataatsimut paasisassarsiorluni angalanernut 50.000 kr. tikillugit maannamut partiit atuisinnaanerat killilerneqartoq.

**Tusarniaanermi akissutit**

Siunnersuutit saqqummiunneqartoq naalackersuinikkut suliniaqatigiiffinnut Inatsisartuni sinniisuutitaqartunut tusarniaatigineqarsimavoq. Tusarniaanermi akissutit naalackersuinikkut suliniaqatigiiffiit siulittaasoqarfimmi sinniisuutitaat aqutigalugit ersersinneqarput. Atassut aamma Kattusseqatigiit Partiiat akissuteqanngillat.

**Siunnersuutip aningaasatigut kingunerisassai**

Siulittaasoqarfiup siunnersuuteqartutut Nunatta Karsianut aningaasatigut kingunerisassai ukiumut **1.240.000** kr.-iusussatut naatsorsorsimavai. Siunnersuut timitalerneqassaaq Inatsisartunut aningaasaliissutinik Naalackersuinikkut suliaqarnermut tapiissutinut nuussinikkut.

Ataatsimiititaliap pissutissaqartinnngilaa isiginiagassat siulittaasoqarfiup tunngavigisaasa saniatigut allanik isiginiagaqartariaqartoq.

Ullumikkutut Inatsisartunut ilaasortaatitat agguataarsimatillugit siunnersuutip akuersissutigineqarneratigut Nunatta Karsianit partiinut aningaasatigut tapiissutaasartut ataani takutinneqartutut agguataarneqarsimalissapput:

<b>Ilaasortaatitat</b>	<b>Inatsisissatut siunnersuut</b>		
	<b>Akuerineqarpat partiinut tapiissutit</b>		<b>Ilaasortaatitamut ataatsimut</b>
1	650.000 + 210.000	= 860.000	860.000
2	650.000 + 420.000	= 1.070.000	535.000
3	650.000 + 630.000	= 1.280.000	426.667
4	650.000 + 840.000	= 1.490.000	372.500
5	650.000 + 1.050.000	= 1.700.000	340.000
6	650.000 + 1.260.000	= 1.670.000	278.333
7	650.000 + 1.470.000	= 2.120.000	302.857
8	650.000 + 1.680.000	= 2.330.000	291.250
9	650.000 + 1.890.000	= 2.540.000	282.222
10	650.000 + 2.100.000	= 2.750.000	275.000
11	650.000 + 2.310.000	= 2.960.000	269.091
12	650.000 + 2.520.000	= 3.170.000	264.167

13	650.000 + 2.730.000	= 3.380.000	260.000
14	650.000 + 2.940.000	= 3.590.000	256.429
15	650.000 + 3.150.000	= 3.800.000	253.333

Ullumikkutut Inatsisartunut ilaasortaaitat agguataarsimatillugit partiinut tapiissutit ima agguataarneqarsimalissapput:

<b>Partii</b>	<b>Tunngaviusumik aningaasartat</b>	<b>Ilaasortaaitat tunngavigalugit tapiissutit</b>	<b>Ilaasortamut ataatsimut tapiissutit</b>
IA	650.000	2.520.000	264.167
Siumut	650.000	2.520.000	264.167
Demokraatit	650.000	840.000	372.500
Atassut	650.000	420.000	535.000
Kattusseqatigiit Partiiat	650.000	210.000	860.000

#### **Ataatsimiititaliap siunnersuummik suliarinninnera**


Ataatsimiititaliamut ilaasortat iluarisimaarlugu maluginiarpaat siunnersuutip siullermeerneqarnerani partiit tamarmik nunatta karsiani aningaasaatit naalakkersuinikkullu suliniaqatigiiffiit akornanni inatsisinik tunngaveqanngitsumik atassuteqarnerit peerneqarnissaannik pissutsillu erseqqissarneqarnissaannik siunnersuut tapersersoraat.

Suleriaatsimut Ataatsimiititaliap peqatigitillugu maluginiaquaa inatsisissatut siunnersuutikkut 2009-mi ukiakkut ataatsimiinnermi naalakkersuinikkut suliaqarnermut aningaasatigut tapiissuteqartarneq pillugu inatsit kingullermik oqallisigineqarmat oqaluserisani imm. 82-ip aappassaaneerneqarneranut isumaliutissiisummini inatsisinik atortitsinermut ataatsimiititaliap kissaataa malitseqartinneqarmat, taamanikkummi ataatsimiititaliap kissaatigimmagu suleriaatsimut ataatsimiititaliap paasisassarsiorluni angalasarnernut aaqqissuussineq isumaliutigeqqissagaa.

#### **Suleriaatsimut Ataatsimiititaliap inassutigaa**

Ataatsimiititaliap isumaqatigiissup inatsisissatut siunnersuutip akuerineqarnissaa **inassutigaa**.

Ataatsimiitaliap taamatut oqaaseqarluni siunnersuut aappassaaniigassanngortippaa.




---

Josef Motzfeldt, Siulittaasoq




---

Per Berthelsen



---

Olga P. Berthelsen



---

Finn Karlsen




---

Justus Hansen



---

Siverth K. Heilmann



---

Loritha Henriksen